

rali remotis; marginibus lateralibus obtusis. Scutellum basi detecta densius subrugoso-punctata, utrinque carinula brevi obliqua instructa, parte apicali remotius punctata. Hemielytra medio pronoto fere dimidio latiora, membrana areola majore oblonga, angulo interiore apicali obtuse rotundato.

Div. *Miraria* Reut.

8. *Dolichomiris linearis* Reut., Öfvers. Finska Vet. Soc. Förhandl. XXV, p. 9. Ibid. XLIV, p. 159. *D. tibialis* Reut. Ann. Soc. Ent. France LXI, p. 392. *Notostira longula* Noualh., ibid. LXII, p. 15.

Las Adjuntas, unicum specimen.

Distr. geogr.: Venezuela (Colonia Tovar); Africa occidentalis (Addah); insulae Canarienses et Madeira; territorium occidentale mediterraneum Europae (Alpes maritimae).

9. *Collaria oleosa* (Dist.) *Trachelomiris* id. Dist., Biol. Centr.-am., p. 238, T. XXIV, f. 2. *Collaria* id. Reut. Ann. Soc. Ent. France LXI, p. 393. Dist., Biol. Centr.-am. p. 417.

Carácas, tria specimina.

Distr. geogr.: Mexico, Panama, Guatemala, Nicaragua, Venezuela.

Div. *Restheniaria* m.

Corpus opacum, inpunctatum, rarissime omnium levissime nitidulum. Alarum areola hamo distincto vel oblitterato instructa, interdum hoc tota destituta. Arolia unguiculorum magna, libera, a basi usque divergentes. Caput loris haud discretis, genis altis. Pronotum strictura apicali crassa, callis distinctissimis strictura haud vel parum longioribus. Coxae posticae ab epipleuris hemielytrorum distantes. Tarsi articulo primo secundo longiore et crassiore, tertio lineari. Membrana semper nigra, unicolor.